

度

支

奏

議

度支奏議目錄

新餉司十二卷

覆鳳陽府屬屯官舉劾疏

題運發邊工本色并發銀委官召買疏

覆朱罔卿催解江右錢糧疏

題禁行月兼支併預索月餉疏

題覆發過永鎮糧餉併議賑米疏

覆王罔卿舉劾兩廣完欠各官疏

覆蔣罔卿報解浙省錢糧疏

覆張摠督請祭永鎮軍餉疏

覆薊鎮督撫會議班軍鹽菜工犒疏

題議遵永川黔援兵月餉則例疏

覆登撫亟請島餉疏

覆山東撫按增兵還餉疏

題查海運關內外餉銀實收疏

題覆兵部會議開節大計疏

覆請清核兵馬錢糧確數疏

覆遼撫請祭額餉馬乾疏

覆薊撫條議臺防三款疏

覆遼撫按報寧錦被虜燒糧疏

回奏預支團練營兵餉疏

覆定通昌二鎮餉額廩費疏

度支奏議卷之十二

太子大保戶部尚書淄青畢自嚴視草

覆鳳陽府屬屯官舉劾疏

題爲禱項載在考成省直迄無定額請乞

明旨申飭不報者嚴予之限未完者例子之罰事專  
理新餉山東清吏司案呈崇禎三年七月二十  
四日該本部題前事本年七月二十七日奉

聖旨新餉雜項原係軍興正額何得任意稽遲該部  
勒限嚴催速認速解查該州縣仍將總撤款項完

欠數目經營職名備開文冊付齎捧官報部與  
派一體查叅其督撫軍餉巡按公費著一併催償  
至鳳陽府屬屯官舉劾考成舊係何衙門職掌有  
旨詰問如何不查明奏來欽此欽遵除疏內奉有  
欽依者當卽行文省直遵照勒限嚴催外所有鳳陽  
府屬屯官舉劾一節相應查明另奏案呈到部  
案查先該本部題爲錢糧之解額在衛等事本  
年六月二十七日奉

聖旨這鳳陽府屬衛所管屯掌印等官舉劾考成

係何衙門職掌還查明另奏欽此隨該臣部於雜  
項載在考成疏內一併具覆疏稱各省屯田隸  
於巡屯御史然屯糧加派原屬造餉則完欠自  
應僉聽督餉御史查叅等因具覆今奉

明旨復查該臣等查看得管屯掌印等官在北直山  
東河南則隸於北直屯田御史在鳳陽等府則  
隸於南京屯田御史查其完欠歲有舉劾此見  
行之例未之或改而撫按亦得覈而問焉然查  
叅有及有不及也惟是屯院所考成者係舊額

屯糧原不及於加派故臣部欲另疏查叅又以  
屯糧加派總係襍項中一項故併覆於襍項疏  
內今蒙

明旨詰問臣實不勝惶悚臣思省直遼餉原設有  
餉御史專管查叅屯派銀兩總充遼餉亦係餉  
院所轄故欲將舉刺之權付之餉院以其痛痒  
之相關也倘以屯院原屬專官或將加派蕪合  
考成尤屬妥便總聽

聖明裁奪非臣部之所敢擅定也相應遵



旨查明題

請恭候

命下臣部行文各該衙門遵奉施行

崇禎三年八月初三日具

題八月初六日奉

聖旨知道了屯糧加派完欠着督餉御史查叅以便  
新餉一體考成該衙門知道欽此

題運發邊工本色并發銀委官召買疏

題爲再請亟運本色以救饑軍事專理新餉山  
清吏司案呈崇禎三年七月二十七日奉本部  
送戶科抄出查督邊工御史張茂梧題前事等  
因本年七月二十六日奉

聖旨該部作速酌議具覆欽此欽遵抄出到部送司  
相應具覆案呈到部該臣等看得修防之策莫  
急於邊工而料理之要莫先於本色臣前具題  
津門漕米五萬石業已督令繇海轉運矣有不

足者又發銀二萬兩責令餉司督同推官  
揚設法召買仰體我

皇上軫念邊疆屢懷軍士惟恐時刻稍緩無以  
錘之苦又慮薊門餉司一人獨力難任隨創  
運餉司姬文郁帶領車輛轉運各邊堡矣總  
推官屈宜揚不肯召買又責令邊工餉司包  
起協同於附近地方召買矣良以漕米有限  
非不涸之源轉運維艱三十鍾而致一故於  
蓄之中防漏卮之漸於萬一耳况

明旨煌煌召買是否易辦選用殷商召集市販還書  
成餉司同地方官作速計處臣於科抄到部  
月二十四日卽行文知會責成矣夫屈宜揚非  
地方之官乎胡以藐

明旨而漫不經心也據其初申詳臣部只云秋禾未  
熟俟之稼穡告成再議召買臣已知其巧於却  
擔嚴行批駁矣又據餉司蔣範化申稱劄委屈  
推官召買屢文督催托言理刑事忙今又托病  
不出職不得已先行招選殷商領銀召買矣至

督理工程御史張茂梧督催彼又以召商  
商買無可買爲詞夫遵化一帶被虜蹂躪之  
滿目荆棘謂無可召買尚可言也至於薊以  
禾黍離離實穎實粟者他日不可收爲倉廩之  
物乎向來奸商爲崇冒支帑銀那移支吾而  
朝廷不得收其儲蓄之利臣甚恨之所以謂商買不  
如官買官買又須隨地時估平其價值省一分  
便得一分之實用耳卽云商人必不可少隨時  
給價隨驗入倉實收果能親身料理亦事理

無難者竊窺本官之心決意推諉莫可誰何矣  
召買雖餉司之事未始非地方之事尤未始非  
管餉推官之事也又非爲臣部料理實爲

朝廷料理也有

明旨而不遵

國家亦何利此臣爲臣部卽不敢謂其抗違而巧  
於規避本官之才品亦可槩見矣至於照米之  
價值而給以折銀要亦從各軍之便不過少省  
運價之一二非以爲定例也其津門運到糞家

窩漕米除蔣主事另運外今據姬主事報運  
者一萬四百石夫臣部見今督催盡數轉運  
邊堡地方務令接濟若廣邊堡之儲蓄俾倉庫  
有比櫛之積惟有召買一法容臣派買於附近  
州縣另疏具請至於目前薊鎮召買仍當責之  
推官屈宜揚而不可聽其推諉者也臣見宇內  
大病在外者有可做之事而人不肯做在內者  
有可遵之法而人不肯遵是以泄泄從事卽  
部有呼之而不應者此臣之日夜憂愁而恨其

乏同舟之義也伏乞

皇上宸斷將屈宜揚量加罰治以爲推諉者之戒庶  
人心少知警惺而於召買亦有濟矣旣經具題  
前來相應覆

請恭候

命下臣部遵奉施行

崇禎三年八月初四日具

題本月初七日奉

聖旨遷工亟需舉色該餉司同地方官速計召買已



有明旨屈宜揚如何推諉不遵姑著戴罪督撫  
奏奪事關軍儲該督撫加意嚴覈不得一任有司  
延玩便着通行飭知欽此

覆朱罔卿催解江右錢糧疏

題爲恭報續解餉銀并陳前解開數緣繇以祈

聖鑒事專理新餉邊餉司案呈崇禎三年七月初八

日奉本部送戶科抄出太僕寺卿朱大啓奏前

事續報差官顧允恭於六月初三日領解新舊

兩餉雜項裁汰充餉兵八萬兩并陳前疏再報

二十四萬餘兩數目不爽緣繇七月初六日奉

聖旨朱大啓所催餉銀是否足額着該部查明具奏

錢糧起解沿途驛遞作速護送不得延悞該衙門

知道欽此欽遵抄出到部該司因該司  
查覈明白相應具覆案呈到部爲照江以  
瘠民貧其俗習於逋負積有年所今該寺

大啓奉

命督催該省新舊錢糧前後共解到部銀二千  
四千七百二十八兩二錢二分六毫及查續  
選委南康府通判顧允恭領解元二三年新  
兩餉雜項裁汰充餉共八萬餘兩尚未到部  
啓行在夏之終則到部當秋以爲期也其

次奏解餉銀開稱二十四萬餘兩寺臣之數  
者據見今起解及買運遼米之數臣部與所  
之所數除解工部分餉銀二萬外止有一十  
兩者只據到部實在之數彼時解官歐陽三  
所領八萬四千三百兩尚未到部而今於五月  
內到矣合之買運遼米價銀五萬八千九百  
十五兩共得銀二十四萬三千二百九十五兩  
則前疏所報二十四萬之數已自不爽臣部  
本年六月內會同戶科都給事中玄默查覈

白具疏入

告業奉

俞旨已經劄行該差矣該差復具疏申明想道路阻  
修當拜疏時尚未及見臣部之覆疏耳至於銀  
鞘啓行原恃輪蹄之迅速若以牛易驟而遲遲  
其行則二日行一日之程將一月踰二月之阻  
亦未可知也先該臣部題奉

欽依通行申飭今奉沿途驛遞作速護送之

旨是誠濟運之急着所當亟行申飭者也既經該

具奏前來相應覆

請恭候

命下臣部移文各該衙門遵奉施行

崇禎三年八月初一日具

題本月初六日奉

聖旨據查素朱大啓催解銀兩前後數目已明其起解未到的沿途驛遞著遵前旨作速護送該衙門知道

題禁行月兼支併預索月餉疏

題爲行月例不兼支權宜理難久假乞

勅督撫速行禁止以示畫一以杜藉口事專理新餉  
山東清吏司案呈奉本部送據薊州餉司主事  
蔣範化呈爲鹽菜行糧事內開蒙總督軍務兵  
部尚書張鳳翼批據中路南兵營委官陳應麒  
招募防援喜峯等關官兵四百八十一員名應  
支六月分鹽菜行糧緣繇蒙批仰薊州餉司查  
明給發繳蒙此卷查三月十一日蒙本部批據

前任何卽中呈爲比例請給行糧以卹新兵  
東路南將趙業耕旣支行糧復討月餉中路南  
將龔彰旣支月餉復討行糧等緣繇蒙批據議  
見解極卓趙業耕龔彰皆本鎮邊兵恐無行月  
兼支之例但龔彰係新募南兵故旣支本地月  
糧而仍索行糧趙業耕係東路南兵故旣支行  
糧而仍借東路月糧長此不已糜費何極然則  
姑以初次支領鹽菜爲鼓舞激勵之地從此以  
後俱以本地主兵論支月糧而不支行糧斯爲



得也該餉司查行蒙此遵照在案迄今造支已  
三閱月矣茲以虜退而一旦裁革衆心未免缺  
望倘無支如故將來恐難銷筭伏乞本部裁奪  
等因具呈到部奉批此係本鎮之兵行月不許  
無支屢奉

明旨况今虜退仍復垂涎恐無此理若濫觴不已則  
邊兵無不支行糧者矣速移文督臣查議仍一  
面行文該餉司先給月餉暫停行糧送司相應  
具題案呈到部該臣等看得主兵不支行糧客

兵不支月餉其例一也

明言申餉耳四誰得而假借焉第其間有主也而時  
乎非主客也而其實非客如中東二路南兵是  
已夫二路之兵薊永之主兵也然係新募南兵  
一防喜峰一守馬蘭實雖爲主其跡似援祇見  
兵心無厭遂生隴蜀之思而執中貴權寧鼓膠  
柱之瑟斯時也院道相機詳允臣部委曲批行  
用兵之際亦理勢所不獲已者但原批姑准初  
次支領以鼓敵愾後不爲例而不料此輩烏知

非有竟欲久假而不歸也行月兼支卽援兵猶  
且不可而況於主兵乎卽虜在猶且不可而况  
於虜退乎此端不杜滋蔓難圖無怪乎川兵矣  
意於厚餉嗷嗷尤者也所當亟爲禁絕庶驕  
兵懦將不得藉口矣不特此也查團練總兵王  
威兵丁并茸肅總兵楊嘉謨兵丁先於五月終  
調赴蘇州其新兵月餉并援兵行糧鹽菜預發  
六七兩月共二萬五千五百一十八兩八錢九  
分蓋因赴防之急不過暫借一時權宜速其勇

往以鼓敵愾之氣原非成例不料各兵便以  
常復請預支臣部恐習於驕縱藉口生端邊方  
多事不聽調遣其難其慎勉強發至八九月共  
銀二萬四千九百七十二兩六錢二分二釐六  
毫矣雖先後之間總其固有之物然久假不歸  
遂成重復之支金錢有限黠壑何窮伏乞  
天語申飭責令督撫道將曉諭各兵以後本鎮主兵  
無得比例支領鹽菜各兵月餉行糧俱按月於  
初頭支給毋許仍前索討預支違者該管將領

以約束無法罪之至於寧夏總兵孫顯祖叅將  
吳登泰胡國賢等新兵近經調防宣府亦因啓  
行孔亟准兵部咨預發八九十三個月月餉共  
發過銀八千一百三十兩九錢亦偶一爲之爾  
所當一體申飭不得據以爲例者也既經該司  
案呈前來相應題

請恭候

命下臣部移文督撫并行該餉司及南兵二營遵奉  
施行

崇禎三年八月初二日具

題本月初五日奉

聖旨這所奏喜峯馬蘭防守南兵旣係主客不准  
支行糧并各軍月餉俱着按月早給不許遲延亦  
不得借支預索着該督撫通行諭知欽此

題覆發過未鎮糧餉併議賑米疏

題爲殘疆

國課無措災黎枵腹難堪仰冀

聖恩賜蠲賜賑以救饑民以固

國本事專理新餉山東清吏司案呈崇禎三年六月初九日奉本部送戶科抄出順天巡撫許如蘭題前事等因本年六月初六日奉

聖旨這所請蠲賑事宜還着該部酌議具覆欽此又奉本部送准兵部咨據永平兵備右叅議張春

呈爲奴孽復逞在卽永鎮無糧可虞乞

賜亟發用救然眉事內稱奴孽狼狽而北御恨國後  
在我官兵宜多備本色用資戰守無柰永當奴  
踞之後官倉如洗卽地畝稍有苗禾亦踐踏一  
空倘奴馬肉馳在官在民杳無一粒何以爲生  
本道伏祝揣度憂心如焚呈乞本部俯念永鎮  
凋殘奴情急迫准咨天津部院速將本色米石  
各發數萬石刻期運送永貯倉備用爲守城一  
月之需庶有食不患無兵擬合亟請等因具



兵部移咨到部奉批新餉司查議續准津部覆  
鳳翀咨爲軍務事內稱祖帥兵馬住防永平所  
需本色糧料兵部議將應運關外者截留運永  
查今歲應運關寧料豆尚未運完移運關者以  
運永此無難事惟額米七十二萬九千餘石業  
已如數發運關寧所剩凍糧二萬九千餘石已  
准貴部咨令津門水運薊鎮訖此外金無可供  
永鎮之需合咨貴部煩查祖帥住防永鎮所需  
本色料豆二萬六千八百一十八石八斗應否

於未運關寧額豆內撥運本色粳米一萬八千  
四百五十四石關寧額米既已運完津門原無  
升合餘剩應動何項米石或截漕或召買希速  
議定咨示以便及時料理至於草束更新蚤發  
餉銀庶便彼中買給等因又准兵部咨該本部  
題爲虜賊竊犯事看得永平無隔宿之糧空城  
難守接濟糧運一節刻不容緩亦望戶部加意  
料理等因具題本年七月二十五日奉

聖旨剿虜以絕奴導卿既審持確見飛檄督撫鎮

還須密授方畧俾相機進止取勝萬全糧餉着戶部預儲速發欽此又該兵部題爲奴犯情形甚著宜鎮凋匱可虞懇乞

皇上勅調援兵夙將亟發器械錢糧以保衝邊以衛陵京事本年七月三十日奉

聖旨宣府秋防兵力宜厚鎮算兵與秦良玉兵到月撥赴該鎮聽楊述程調度折色餉銀卽與措發至開採事宜如議照大同例行其永平所請本色併行速給該衙門知道欽此又該閣部孫承宗題爲

奏請軍餉以濟時艱以解倒懸事本年七月二十日奉

聖旨覽卿奏永平需餉甚殷這過月未發銀兩速與補發以後按月解給不得稽延該部知道欽此欽遵蒙發到部通送到司具覆間又准閣部孫承宗咨爲軍務事內開行糧急需委不可緩及查今歲關遼派運行糧米僅四萬石去冬兵將入援一往返而支銷已千餘石姑不具論卽祖卽復統馬步官兵計三萬自正月進關屯扎於關

撫之間迄今七閱月共約支過九萬餘石而又  
有永鎮舊兵借食津糧又不下萬計也入關馬  
一萬六千餘匹約支過料一十八萬餘石草二  
百二十餘萬束皆取給於關門額運之中卽今  
駐永兵馬孰非關門陸運所接濟乎其派運之  
行米四萬旣盡而借食之正糧透支亦多冬春  
缺額已屬難支且關外兵丁出援坐糧例給贍  
家免其內顧若以額糧截扣不無剝肉補瘡正  
支虧缺冬春海運阻凍軍士呼庚真大有可虞

者如馬騾例不坐支草料猶可通那而額米草  
不可再扣據議防兵一萬馬騾四千五百八十  
五匹頭計秋防四箇月應需料豆二萬六千八  
百石當于關外本年額豆內截扣交卸永平餉  
司支放其草束亦應于額解草乾銀內扣給無  
容贅議其行米一萬八千四百五十石另宜酌  
增或煩津運或折給自買此在貴部與督餉部  
院熟計之也合咨貴部查酌等因除蠲免地畝  
錢糧聽福建司議覆宣府餉銀聽邊餉司措置

外所有永鎮本折糧料相應具覆案呈到部案  
查先該永平兵備道張春題爲遵

旨赴任等事五月初九日奉

聖旨階民被脅可矜招復已有屢旨張春不妨便宜  
開示如有縛叛斬賊立功來歸者仍與上賞朝廷  
軫念流離豈靳恩卹但須奉行有法所請賑濟着  
戶部發米一萬石運赴薊鎮聽會同督撫陸續奏  
用開冊詳報該部知道欽此又該本部題爲遵永  
已經恢復恭報發過薊永兵餉并賑濟漕米等

事五月二十三日奉

聖旨關薊永發過銀糧知道了還取實收到部爲據  
津門漕米准再發三千石仍遵前旨運赴薊州聽  
該督撫道酌議賑恤完日造冊奏銷以便稽核該  
衙門知道欽此又該兵部題爲緊急軍情事六月  
初九日奉

聖旨所支本折戶部亦宜併月多發宿儲待給勿致  
逼索那借致啓戎心責誰他諉欽此欽遵俱經遵

照



明旨咨行津部二次撥發漕米二萬石運赴永鎮接濟外該臣等看得狡奴叵測其耽耽虎視北平者或未嘗一刻忘也殘破之餘兵民單弱宜留銳卒以爲捍禦厚備儲蓄以資飽騰誠屬急著今以本色言之前永鎮請米奉

旨者從薊鎮轉發蓋其難其慎意也臣部業已兩次發米一萬三千石第薊城距永尚遠陸運脚費不貲故以三千運薊爲協濟之需而以一萬從水路運永爲賑濟之用繼因樞部題

請永鎮本折奉有多發待給之

旨是以復發米一萬石從水運赴永以充軍食前據  
同知李雲衢報稱前米已抵劉家墩地方諒此  
時可達無虞呼庚矣此臣部措發本色之大略  
也以折色言之永鎮向來月餉該新餉一萬二  
千餘兩舊餉二萬有奇自永平被陷後附支山  
海餉司在新餉則於二月二十四日發銀一萬  
五千兩三月十四日發銀一萬五千兩五月初  
九日發銀五千四百五十二兩零在舊餉則四

月初十日發銀一萬兩五月初四日發銀一萬  
五千兩又餉司才化神除部發外又多放銀一  
千四百六兩零又該司發過折餉米作銀六千  
九百一十六兩零通共發過六萬八千七百七  
十四兩零至四月初一日則繇永平道接管支  
放臣部又於四月二十六日發新餉五千兩四  
月二十九日發新餉銀五千兩五月初八日發  
新餉銀一萬兩五月十八日發舊餉二萬兩七  
月初六日發舊餉銀一萬五千兩七月二十七日

日發舊餉銀一萬兩此臣部措發折色之大數也今永鎮謂春間缺餉數月主客兵二萬四千餘員名馬四千六百餘匹自四月至今尚欠本折銀九萬二千餘兩臣思永平陷沒之後永平兵馬已屬烏有沿邊兵馬亦去強半卽云近日招募未必一一盡補則月餉似未可按成額以取盈也業經劄行關內餉司及永平道查核去矣惟是祖帥移兵防永援兵鱗集所需糧料與折色鹽菜取數甚鉅且運關之米津部業已

盡而無可發矣此閣部與津部之所以容部酌  
議也若欲發銀召買則月餉尚匱安能復措米  
價近已截留薊米十萬石奉有

明旨合無於內撥發二萬石轉運永平以備急需蓋  
秋防正殷兵食不敷不得不稍爲通融耳其料  
豆一項祖帥兵馬旣防永平則開外料豆自無  
重支之理閣部議令津部卽將未運開外料豆  
給發極爲妥便及查本年尚該開外額豆二萬  
九千八百三十一石零盡運永鎮交卸稍一轉

移卽足濟用至於馬革一節時屆秋成合  
青之例給與折色况開外原給馬乾合如開  
之議卽於開外額解草乾銀內扣給仍再責成  
兵道餉司收買本色以爲冬月善後之著則絲  
急得宜矣至於祖帥防兵塩菜臣部業已兩次  
發過二萬今於七月二十七日又劄發銀一萬  
兩似可無虞匱乏其新舊額餉又於八月初  
日發舊餉二萬兩新餉一萬兩給永鎮差官  
夢吉等領運接濟臣之措處以爲永鎮計者

既不遺餘力惟在地方諸臣加意酌濟應用且  
耳抑臣猶有說焉前此運發賑永漕米一萬石  
原因比時虜患方除哀鴻靡定才遺殘喘之民  
不得不借升斗以圖安戢今喪亂既平迄可小  
康有恒產者爰方耕種以復業卽無恒產者亦  
將力食以自營且米在劉家墩迄今未報抵永  
將使斯民赴彼自領則往返跋涉所得不償所  
費將使家給戶資則輸運艱難未免大費官錢  
合無暫將此米隨便運貯北平倉儲顯俟冬月

乏絕之時另行賑濟兼充軍餉雖挹彼注茲  
無補於盈虛而有餘不盡實有裨於緩急亦成  
一道也統候

皇上裁奪

命下臣部行文各該衙門遵奉施行

崇禎三年八月初六日具

題本月初九日奉

聖旨據奏發過永鎮本折銀餉及寧兵糧料通融  
給已無匱乏至永平額軍經虜缺數幾何募補



何節曠開支須從新查報豈得但憑故冊取盈賑  
米尚未抵永無濟於急應否暫貯備用着通咨該  
督撫及餉司詳查議確具奏欽此

覆王罔卿舉劾兩廣完欠各官疏

題爲敬遵

明旨舉劾廣東餉額完欠各官事專理新餉邊餉司  
案呈崇禎三年七月二十一日奉本部送戶科  
抄出太僕寺少卿王心一題前事又奉本部送  
戶科抄出本官題爲敬遵

明旨舉劾廣西餉額完欠各官事本年七月十九等  
日俱奉

聖旨該部知道欽此欽遵通抄到部送司案呈到部

爲照兩廣僻處遐荒而爭先向義不肯退居  
後則藩司守令鼓舞之功居多間有一二不令  
有司武弁政拙催科致悞軍餉一切勸懲

大典炳若日星真有不容廢者今寺臣王心一催餉  
兩廣按其完欠而舉劾之臣等仰欽

明旨覆查得廣東除布政使陸問禮前經寺臣專疏  
再舉業已履奉

明旨下部紀錄擾擢想旦夕卽應啓事無容更贅矣  
若肇慶府知府陸整廣州府知府徐在中惠州

府知府周以典高州府知府陳儀韶州府知府  
王永喬崖州知州謝揆順德縣知縣黃金貴南  
海縣知縣駱方璽東莞縣知縣李模揚陽縣知  
縣馮元颺陽江縣知縣李右謙新會縣知縣王  
師夔高要縣知縣張明熙歸善縣知縣吳逢翔  
番禺縣知縣孫日紹曲江縣知縣張育揆海豐  
縣知縣周一敬潮陽縣知縣楊灼恩平縣知縣  
孫光緒新寧縣知縣柯鳳瀛海康縣知縣黃中  
色陽山縣知縣王明遠從化縣知縣雷恒以上

各官新無缺額舊靡宿逋急公共遙灌輸旌異  
不宜軒輊委當各行吏部一併紀錄以備擢用  
行取之選者也若海南衛指揮張國勳經徵中  
糧原係遼餉急需乃崇禎元年僅完其半二年  
三年毫釐未完不入貪弁之囊詎容頑軍之欠  
如寺臣議所當降級痛懲以警將來者也廣西  
則有布政使鄭茂華平樂府知府石愔梧州府  
知府謝君惠平樂府署印推官陳昌文橫州知  
州王寵鬱林州知州鄭邦泰永寧州知州鍾

俊新寧州知州方養成昭平縣知縣麥育平樂  
縣知縣周夢龍岑溪縣知縣蔣三槐博白縣知  
縣魏朝明隆安縣知縣余興賢富川縣知縣歐  
伯昇永福縣知縣陸寬以上各官催科有法撫  
字多勞輸將惟恐後時

奏報急宜獎借所當咨行吏部一并紀錄以備擢  
用行取之選者也若灌陽縣知縣唐時合新舊  
錢糧俱屬經徵乃本年徵解已完不及額而元  
二年之舊餉又任拖延豈盡地方之疲瘠良繇

催督之無方如寺臣議所當罰俸六月以示懲  
懲者也既經具題前來相應覆

請恭候

命下臣部移文吏兵二部將陸整鄭茂華等從優紀錄  
指揮張國勳降級痛懲以警將來知縣唐時  
合罰俸六月解部助邊一體遵奉施行

崇禎三年八月初九日具

題本月十二日奉

聖旨這兩廣徵糧完欠各官既經查核依議行該部

知道欽此



覆蔣同卿報解浙省錢糧疏

題爲續報起解錢糧并查叅怠緩有司以振積玩  
事專理新舊二餉司案呈崇禎三年七月初七  
日奉本部送戶科抄出太僕寺添註少卿蔣允  
儀題前事等因七月初一日奉

聖旨蔣允儀續報起解銀兩知道了所糾孫幼孜等  
着該部分別降級都責令戴罪督逋完日奏奪該  
部知道欽此又該浙江巡撫陸完學題全前事等  
因七月初六日奉

聖旨已有旨了該部知道欽此又該浙江巡按御史  
李柄題全前事等因七月初四日奉

聖旨已有旨了該部知道欽此欽遵通抄到部送司  
隨該兩司備查明白相應具覆等因案呈到部  
該臣等看得吳越山險地瘠潮患民貧徵輸之  
難催科之苦有年所矣邇者軍興浩繁瓶罍未  
困

皇上俯念太倉之匱竭

特命京卿以催督無非欲其早完

國課共救然眉而不謂有司之怠玩如故也察浙省額催新舊餉并鹽課銀共九十五萬四千五百餘兩又帶催二年分金花銀一十二萬九千六百三十五兩零該省酌錢糧之多寡限以箇月通完其到部查收者如解官梅士程俞亦歷等共解過銀三十六萬七千三百五十餘兩其開銷援兵買米等項一十五萬八千餘兩前臣部已經題明不准銷筭應令催解補完不得再爲實數外今據同臣疏報差官查錫策領解

新舊餉銀一十七萬一千餘兩已於七月  
二日解到總共解到部銀五十二萬八千餘兩  
較之原催之數雖已及半然而轉聘屆期矣在  
京卿固不能久候而邊庭之疾呼者臣部何能  
以空手應耶逋負如故法紀藐然若不重加  
治則該省州縣之積逋方將視爲等閑而終無  
完日矣今同臣遵不時舉劾之

旨不避勞怨會同該省撫按將逋負州縣各官臚  
糾叅臣等卽據其欠數之多寡分爲等第如

吉州知州孫幼孜未完兩年太倉遺餉金花銀  
九千九百九十三兩零歸安縣知縣張孫振未  
完兩年太倉遺餉銀四千五百二十三兩零寧  
海縣知縣嚴鑑未完兩年遺餉銀四千一百七  
十五兩零當此三空四盡之時而一州兩縣即  
欠如許之多所當降職二級戴罪督徵者也為  
程縣知縣胡開文未完兩年太倉金花銀二千  
五百二兩零平陽縣知縣李邁種未完二年遺  
餉銀二千一十三兩零武康縣知縣章文岳未

完太倉遺餉金花銀一千九百五十四兩

三臣者各項雖欠不多而總數未完亦有如許  
相應住俸督徵以鼓後効者也至于富陽德清  
仙居之欠三千餘金孝豐之欠二千餘金開化  
之欠一千餘金該差疏報或已物故或已去任  
而新任各官自應帶徵督催責令如數通完再  
有過期降罰不容寬假者也復照襍項錢糧目  
平糶倉穀係有司自理之紙贖曰馬夫祗候係  
有司見在之額銀曰抽扣工食係各役已領之

工食曰稅契係富民之碩納曰典舖係大商之樂輸種種見在催辦亦易非比別項取之小民者之爲難也而問臣謂三年并徵人情沸然此又臣之所不解也既經問臣并撫按會題前來相應查明覆

請恭候

命下臣部移文吏部查照并咨該省撫按催餉問卿將未解錢糧火速督催起解以濟急需施行

崇禎三年八月初十日具

題本月十九日奉

聖旨浙省催餉未完這所糾怠玩各州縣官降級  
罪任俸等項俱依議仍着蔣允儀會同撫按速行  
儆督若有司玩悞不時叅來欽此



覆張總督請發永鎮軍餉疏

題爲亟請軍餉以濟時艱以解倒懸事新舊兩餉  
司案呈崇禎三年八月初五日奉本部送戶科  
抄出勘遼總督張鳳翼題前事等因本年八月  
初三日奉

聖旨給發軍餉自有定則如何永平缺至數月着作  
速查給以後各鎮應發月餉該部按月豫奏隨將  
發過月日數目具報不得專待外請還着該科記  
着永平原原有餉司着仍議差戶部知道欽此欽遵

又該戶科叅看得餉乃三軍之司命必轉輸  
愆期斯士馬飽騰有賴胡永鎮缺餉積至九萬  
餘之多果歷年沿欠乎抑近日之發運不繼也  
倘係近缺自宜速爲給補如係積年疊欠勢不  
能以一歲有限之額抵前人積缺之數亦速爲  
奏明勿使三軍借口也至各鎮應發月餉當按期  
而豫給勿待其大聲而疾呼其發過月日數目  
隨遵

聖上厯念封疆軫此荷戈之衆猶恐積習難破嚴此  
考成之法

天語赫赫臣子敢不凜凜從事此後或給之不以其  
時或發之而不以報本科職掌攸關不能隱徇  
而其於分罪矣抄出速之抄出到部送司案呈  
到部該臣等看得永平當殘破之後陳新集之  
旅且道臣受事伊始一切本折供應敢不竭蹶  
赴之如左右手而聽其爲大聲之呼也恭捧

嚴旨臣等措躬無地寧遠後至之譴然而支餉祭差

之故則有可得而言者夫因兵措餉計口授  
臣部事也竊疑夫按伍招補未易如額卽如額  
矣然餉有新舊兵有主客若不核其額數之  
寡日期之起止將來作何銷筭况燕建山石諸  
兵向支餉於關門能必其無重領之弊乎所以  
劄行該道責令詳報臣部者也今於八月初四  
日據稱主客新舊兵數共二萬四千八百八  
六員名每月支新餉一萬三千二百五十六  
四錢七分支舊餉二萬一千三百八十四兩

錢一分五釐共銀三萬四千六百四十兩六錢  
九分五釐自四月初一日爲始俱支給於該道  
而四月以前其完欠在關門清楚所當另行截  
算者也復查四月初一日起至七月終止以所  
餉言之共該五萬三千二十五兩八錢八分內  
四月初三日發過張兵道隨帶官丁餉銀一千  
三百六十七兩四錢二十六日發五千兩二十  
九日發五千兩五月初八日發一萬兩八月初  
一日發一萬兩又東路南將趙業耕委官葉好

明在薊支五年二月分餉銀一千二百二十

兩一錢八分三釐四毫又支五月分餉銀二千

四百五十五兩五錢六分六釐此係薊州餉司

冊報自應照數扣存是已發者三萬四千四百

五兩一錢四分九釐四毫未發者一萬八千九

百八十兩七錢三分六毫也以舊餉言之共該

八萬五千五百三十六兩九錢內五月十八日

發二萬兩七月初六日發壹萬五千兩十九日

發一萬兩二十七日發一萬兩八月初一日發

二萬兩是已發者七萬五千兩未發者一萬五  
百二十六兩九錢此月餉完欠之數也以塩菜  
言之德州寧山二營修工班軍月該塩菜銀四  
千六百三十八兩應新舊二餉均攤各該出銀  
二千三百一十九兩尚未給發至於祖帥及貴  
州防永官兵每月該塩菜銀一萬三千四百二  
十兩八錢自五月十五日起至七月終止共該  
銀三萬三千五百五十二兩除前三次發過二  
萬兩外尚該找三千五百五十二兩此塩菜完

欽定大清會典事例 卷一百一十二 戶部 倉儲 三十一

欠之數也據督臣所開欠數九萬原自不遠想

八月初間所發新舊三萬餘兩尚未到彼是以

見所欠之多耳至如新餉所欠行月共二萬四

千八百五十一兩七錢三分六毫舊餉所欠行

月一萬二千八百五十五兩九錢查兩庫現在

所有者照數查解必不敢以時刻緩矣又據關

門冊報永鎮自二年八月起三月終止舊餉共

該七萬七千二百三十三兩七錢七釐六毫四

絲九忽新餉共該三萬四千二百七十二兩四



錢五釐八毫六絲五忽二項共銀一十一萬  
千五百六兩一錢一分三釐五毫一絲三忽  
臣部發過新餉二月二十四日一萬五千兩三  
月十四日一萬五千兩五月初九日五千四百  
五十二兩一錢七分共三萬五千四百五十二  
兩一錢七分發過舊餉四月初十日一萬兩五  
月初四日一萬五千兩共二萬五千兩是新舊  
二餉發過六萬四百五十二兩一錢七分外有  
抄沒叛產二千一百四十六兩六錢四分七釐

三毫并扣過還官銀二千八百二十兩六錢

分四釐一絲似應作舊餉扣存實數者也又借

過山海新餉銀三萬三千九百八十九兩一錢

一分四釐二毫四忽又借放過米一萬五千

百二十一石九斗一升折銀一萬二千九十七

兩五錢二分八釐據新餉發過之數尚多一千

一百七十九兩七錢六分抵作舊餉之數舊餉

除發過并抵扣外尚借支山海新餉銀四萬六

千八十六兩六錢四分六釐三毫三絲九忽

在措發總在臣部新舊兩庫通融補還而該鎮  
應支之額已無餘矣前當永平失陷燕建山石  
之兵附食餉於關門臣但知其自正月爲始而  
不知從去年八月一槩找給也臣查九邊之餉  
從前欠數頗多自臣受事以來現年逐月無缺  
惟壓欠者必難取償一時卽關寧新餉從來原  
無欠月至軍興而亦欠兩月三月盈於彼卽詘  
於此理也亦勢也卽該鎮所支與者不能復奪  
然尤而劬之力不能應此端安可開乎至於按

奏議  
月給發先期

奏報臣等敢不仰奉

明旨遵依奉行惟是臣部之所供億者原非一鎮各鎮之所責望者又非一端且外解隨到隨發未敢少緩隨發隨盡寧有贏餘臣卽欲如數如期而無柰力不從心何也伏望

皇上軫念度支匱乏現欠者准令照數補解未歷者不得先期預支庶臣部得以通融接濟少寬罪戾於萬一矣既經具題前來相應覆

請恭候

命下臣部移文各該衙門遵奉施行

崇禎三年八月十一日具

題本月十四日奉

聖旨據奏餉有新舊兵有主客必核其額數多寡日月起止以便銷算說得是但該部何故從無清核確數具奏又云逐月無欠惟壓欠者必難取償一時今永餉所請是否積年壓欠燕建山石附餉關門自當以正月爲始緣何從去年八月找給冒領

重支弊正在此可無一問但諉不知鎮兵必餉則始能果腹該部以發解卽爲實收各鎮方求現欠照數補解該部反云不得先期預支內外呼應相左總繇清核無法今後須確定規則各鎮餉司俱立一簡明清冊具開原額主客兵馬若干應餉若干或某日添到某兵馬若干增餉若干減者亦如之按月一報不得混入細數以致頭緒棼淆卽如秦內扣抵借支等項亦只許餉司互行銷算不得攙入簡明冊內如有報數不確及不如期者定以

候冒治罪該部堂上官亦宜勵精率屬着實遵行  
這所欠永餉卽如數措發勿再延悞欽此

覆薊鎮督撫會議班軍塩菜工犒疏

題爲恭報防禦官兵並酌臺墻工價仰杼

聖慮事專理新餉山東清吏司案呈奉本部送准兵部咨前事內開該薊遼總督張鳳翼會題酌議班軍工犒銀兩緣繇奉

聖旨班軍修築勞苦可念工犒銀旣經酌議准照防兵例薊昌一體均給其工程作速查催不得延悞旨內若字正字俱訛改正行該部知道欽此又該巡按御史張學周順天巡撫劉可訓各題同前



事俱奉

聖旨已有旨了該部知道欽此欽遵備咨到部送  
又奉本部送戶科抄出督理邊工御馬監太監  
王應朝題爲代請折色銀兩以應急缺軍需事  
本年七月二十九日奉

聖旨班軍赴工宜按月行犒擬奏操集待哺完工守  
候何以勸役着該部星速措解毋令籲呼欽此欽  
遵抄出到部又准兵部咨該查督邊工御史張  
茂梧題爲釐舊例以昭勸懲酌

新恩以均勞逸仰祈

皇上嚴勅在事諸臣共圖振刷以重封疆事奉

聖旨這奏釐隱冒酌勞逸節估修俱於邊工關切着  
該部覆議飭行欽此抄出到部看得禦虜止靠一  
垣邊工最急無奈夙蠹未祛金錢暗耗

明旨方欲併工以竣役而奸弁乃乘役以冒工豈獨  
多餉虛靡抑且悞

國廢事使非痛加釐剔嚴限責成恐終事正未有  
日也若夫酌量勞逸勿抱不均之嗟裁節估修

勿滋溢額之費總使法惠金行人爭踴躍臺臣  
所請詢確中機宜悉當如議申飭行者也等因  
奉

聖旨修邊分信併工已有屢旨若非均勞核實勢必  
糜費耽延着督工官同該督撫如議查飭該衙門  
知道欽此咨會到部通送到司相應具覆案呈到  
部該臣等看得各邊修工止有工犒并食米四  
斗五升未始有鹽菜也邇因逆奴蹂躪撤我籬  
籬修築之役比於居恒萬分加緊於是督臣有

鹽菜之請維時臣部仰體我

皇上綢繆至計并軫恤貧軍之苦酌以關寧則例每人日給二分五釐從其優厚不過鼓其子來之義以爲不日之成耳據督臣初報者止班軍三萬未幾而報四萬又據兵部咨文調在京班軍五千通計前後月得鹽菜銀三萬三千餘兩以素無額設者而一時責供應於臣部方切不繼之憂今督臣復云有奢望於臣部欲與防兵一例每日三分則每月約費銀四萬五百兩又東

西協修築班軍與薊鎮一體支給是班軍之  
菜日增日益而臣部之庫藏則日虧日苦矣項  
閱臺臣張茂梧釐舊例一疏則之修築之弊實  
頗繁而優給之

新恩宜酌殆未可一例混施也夫班軍與援兵原自  
不同包覽之積習所繇來者漸矣工少而人多  
者則錢糧糜耗工多而人少者則歲月延捱合  
欲釐剔舊弊綜覈錢糧必也按工之多少而計  
人有一工方用一工之人虛冒者有罰按之人

衆寡而定期做一日必查一日之工違限者不  
赦毋據冊報之花名惟查見在之人數不許移  
甲而代乙不得朝四而暮三凡將官之隱占隊  
長之包攬悉聽督工御史嚴加清查有違犯者  
執軍法以繩之又何詞焉既清查矣而見役之  
中有勞逸之不齊者亦宜稍爲分別查保河諸  
營有先經防守而今復赴役者有春班有竣而  
留爲秋班者旣已久困行間今復勤劬版築所  
當比照防兵之例日給菹菜三分以示優厚至

於現到秋班各軍工作用其本分彼處行其  
餉既已預領食米之外似難多增念既奉有

明旨或日與銀二分亦不薄矣人知勞者與逸者  
餉有分先到者與後至者支給有別於同仁  
中有斟酌之義如是而人有不樂事赴公者  
之信也至於募工修葺臺樓前已估價八千餘  
金後改工修而爲軍修所費遂浮原議之外其  
在督撫諸臣與臺臣不可不爲酌議者也其  
協昌平修工班軍五千七百五十一員名較

薊鎮殘破食物騰貴原自不同舊日修工原有成例卽奉

旨一體優給應照關寧每月七錢五分亦不得槩援防兵以開無當之管可耳不特此也東協永平亦有班軍五千一百四十二員名在邊修築其鹽菜亦應照薊鎮例酌量勞逸以爲次第不則亦照昌鎮之例而止似不得不并爲議明以便支給者也抑臣更有說焉查得工犒一項舊例戶七兵三今雖改給鹽菜卽係昔日工犒特取



數爲差多耳則此鹽菜銀兩亦應照例戶七  
三分認解發庶成規不至一朝廢格而臣部亦  
不苦獨力難支耳是望樞臣之留意也至於臣  
部發過折色塩菜三次共六萬兩召買三萬兩  
本色漕米五萬石督令餉司分投轉運前疏已  
明不敢再贅但望督撫清核冒破計工授食曉  
諭諸軍無徒萌隴蜀之念務早竣金湯之役已  
耳相應覆

請恭候

命下臣部行文各該衙門遵奉施行

崇禎三年八月十二日具

題本月十七日奉

聖旨這班軍蓋菜銀兩既經酌定依議給發照玉牒  
例分認與兵部面商具奏其嚴催修築稽核冒破  
責在督工該衙門知道欽此

題議遵永川黔援兵月餉則例疏

題爲酌議援兵行糧月餉以便給發以杜濫觴事  
專理新餉山東清吏司案呈奉本部送准順天  
巡撫劉可訓咨爲措解入衛兵餉以濟急需事  
內稱川兵之防守遵化也地方當殘破之後薪  
米值騰貴之時所藉以糊口朝夕繕治衣甲者  
惟日餉五分是賴原帶川餉業已爰至七月二  
十九日止見經造冊開銷金無存剩銀兩政欲  
具咨請發而川中解餉適至真各兵續命之膏

目前然眉之濟合無卽將收貯川餉銀一萬  
千七百六十八兩充川兵八月九月餉銀照  
湖廣陳學員立將事例計日支用完日另冊  
算至於貴部給過川兵安家錢糧或聽該省  
補或請

旨作正支銷統惟貴部裁酌等因到部奉批川餉固  
當速發但日餉五分或非通論仍當查在川領  
餉之例爲據耳否則恐不能維也至於安家尚  
無著落姑且置之批發到司又奉本部送准兵

部咨據永平道張春呈爲乞憐邊將勞苦請示酌給行糧以資戰守事內稱貴州防兵遠戍衝關所需廩月行糧蔬菜似應遵照查給但查永鎮每歲防守客兵止支永鎮行糧料草並無蔬菜之例其應支廩糧月餉俱在彼原伍支領與永鎮毫不干涉今貴州防兵請支月餉蔬菜况餉部計兵授食庫如懸罄原無黔餉委難奉行措處合無呈乞本部俯照每年防守客兵往例每名日支粟米一升五合馬每匹料三升草一

東其應給廩月糧餉速賜移咨戶部將應發  
州額餉照數撥發就便支領庶爲妥便等因前  
來轉咨到部送司案查先奉本部送戶科抄出  
兵部題爲虜警偶聞

國威宜振謹督發鎮將星馳入衛事等因崇禎  
二年六月十七日奉

聖旨黔省旣稱乏餉未發兵八百名准與免調扣餉  
事還著戶部酌議具奏欽此欽遵抄出到部酌議  
間今准咨會前來相應一併具覆案呈到部

臣等看得入援之兵止給塩菜不給月餉屢奉  
欽依確有定例卽欲曲徇而不可得者臣部於川兵  
之餉不可謂不曲體矣初因討補安家臣卽借  
撥安家銀二萬二千九百餘兩以給之繼欲請  
討月餉臣卽以川中原解銀內令其支給蓋因  
其千里從戎艱辛可念是以無求不應但餉有  
定額例難溷淆故將月餉照依蜀例塩菜同於  
各兵此係至當之論無容再有擬議者令川撫  
解有餉銀一萬五千七百六十八兩到京臣部

欲將前銀抵還代發安家之數又恐川兵月餉不繼各行順天撫臣劉可訓酌議今據撫臣在稱川中原帶餉銀業已支完議將今到餉銀解充八九兩月之餉臣思原借固當扣抵索餉又難久待卽當解至該撫聽其支給但川中兵餉日支三分後加入釐今乃欲妄援薊鎮之例且支五分無論成例不可紛更萬一各兵倣尤騷起額外之需何從措處將索之於川中則川中必不認發於額外將索之於臣部則臣部又難



盡實其漏卮此必不可得之數也至於黔兵祗  
提督臣朱爇元選銳勤

王原以二千具報先發一千二百名疾馳入衛以朋  
披纓之義續因楚解不前餉難措手議將未發  
兵八百名免調赴援卽以所省安家行糧等銀  
一萬二千兩令楚中扣解臣部充餉夫今日之  
所乏者非兵也乃餉也樞部業爲代題免調則  
所省之餉安應令其解部抵充別用者也至已  
調之黔兵駐防永平見在索餉其鹽菜固宜臣

部措發而月餉仍應彼處解給但萬里迢遞  
清難俟亦當比照蜀中餉例臣部姑暫爲代奏  
以俟異日補還者也合無

勅令順天撫臣傅永川黔各將曉諭衆兵如欲照前  
鎮之例每月支銀一兩一錢本色米五斗共銀  
一兩五錢則應停其塩菜如欲仍支塩菜則月  
餉應照川黔舊例不得妄與加增若塩菜旣給  
三分米一升五合月餉又給五分是每兵每月  
近約三兩比之薊永臺兵幾增一倍夫無當之

管滄海其能實乎願諸臣之熟計也既經者會  
前來相應覆

請恭候

命下臣部行文順天巡撫酌議回

奏施行

崇禎三年八月十四日具

題本月十七日奉

聖旨這遵化川兵月餉准將川省解部銀兩如前支  
給不得額外求增永平黔兵月餉該部暫照川例

代奏催令黔省補還其免調兵數所省安家行糧  
依議解部充餉該衙門知道欽此

覆登撫亟請島餉疏

題爲亟請島餉以安反側事專理新餉山東清吏  
司案呈崇禎三年七月三十日奉本部送戶科  
抄出登萊巡撫孫元化題前事等因本年七月  
二十八日奉

聖旨前旨以島弁怙逆留餉今旣安受戎索還着速  
與額運預借續食是否妥便該部酌議具覆欽此  
欽遵又該兵部咨同前事咨會到部送司相應  
具覆案呈到部該臣等看得島弁劉興治前因

殺奪兵將跋扈肆迎已奉

旨准留島餉蓋恐資以盜糧不得不伐謀慎防以明  
順逆之義也今據撫臣孫元化稱與輔臣遣兩  
生員入島後興治業受戎索故又奉

旨着速與額運并議預借續食是

雷霆之中不廢雨露臣等再三思維興治新撫反側  
逋定倘或不從所請非惟興治益生疑畏抑且  
撫臣不能展布似應依擬措給但島中餉額屢  
更支給尚無定衡有不得不詳爲講明者查東

江兵丁臣部於崇禎元年十一月內題定官兵  
以二萬八千員名爲額米以一十六萬八千石  
爲額折色廩餉等銀以二十四萬五千二百兩  
爲額此原奉

欽依者也至二年八月內又經督師袁崇煥題議在  
官兵則裁爲二萬二千在本色米則裁爲一十  
三萬六十餘石在廩餉等銀則增爲四十三萬  
一千一百八十四兩後閣部孫承宗復加題議  
其兵額糧額與臣部所定之數相似其廩餉等

銀則與袁崇煥之議相去不遠蓋臣部原定  
每兵每月給銀七錢米一斛閣部所議每兵

米一斛銀一兩一錢是以多寡互異隨該臣部

覆定島兵調實薊州者每名月支米一斛銀一

兩一錢在島者仍支米一斛銀七錢已經奉有

俞旨近因劉興治之變島兵未經調援則各兵糧餉

自應盡照臣部原議每兵月支銀七錢米一斛

無俟增減者也及查崇禎三年分已發額餉

十五萬兩米一十四萬石是米之數止少二萬



八千石餉之數尚少九萬五千餘兩也所有應  
得餉銀合無行文東撫及布政司卽於山東新  
餉銀內陸續撥給務完今歲之額其米請

勅東撫卽支新餉銀兩責令登萊二府收買粟米五  
萬石乘時轉運內除二萬八千石抵今歲未完  
其餘米數或作爲次年新糧或於本年折色餉  
內扣除悉聽登撫及餉司查議確妥咨部知會  
庶島中本折俱有成額完欠亦甚分明島中之  
望給與臣部之查發俱得照畫一之規以奉行

夫既經該撫具題并兵部咨會前來相應題

請恭候

命下臣部行文各該衙門遵奉施行

崇禎三年八月十四日具

題本月十八日奉

聖旨據奏措給東江糧餉既云折色以十四萬五千二百爲額發過十五萬如何尚少九萬五千餘兩顯是錯悞且劍興泊初定島兵豈無散減遲不稽核但憑原數給餉如此持籌何時得無虛冒至島

兵銀糧數目照部原議并多發粟米通融抵扣都  
著登撫及餉司查酌明確具奏欽此

覆山東撫按增兵還餉疏

題爲東省隱憂獨深增兵設防宜早臣謹備述情形條議兵食乞

聖明勅計部歸還額餉以資招募以期保障事專理  
新餉山東清吏司案呈奉本部送准兵部咨該  
山東巡撫沈垞題前事等因奉

聖旨東省此時護京防海委屬重要所請添兵留餉  
事宜着戶兵二部酌量具奏欽此又該山東巡按  
御史高捷會題前事等因本年六月二十四日

奉

聖旨這東省增兵糧餉等事着該部酌議具覆欽此  
欽遵抄出到部送司茶呈到部該臣等看得造  
餉加派歲額不滿四百餘萬一分於黔蜀再分  
於蠲免而餉之稱虧詘者匪一日矣自臣受事  
以來百計清查多方樽節僅得如關寧經制之  
額而總非有餘也狡奴入犯事出不測軍興浩  
費頭緒多端支用正額已幾一百七十八萬而  
尚未有底止夫民力告竭旣已搜無可搜庫藏

如洗方憂補無可補臣日夜愁苦徒切仰屋興  
嗟疾聲呼籲長意將伯助予而不謂在外諸臣  
猶於遼餉見多而所請無已也查遼餉五萬兩  
東省原留以餉東充新兵自督師袁崇煥裁定  
經制取以補遼餉缺額比時臣部以爲餉雖撤  
回而充兵勢不能枵腹以待卽以汰去德兵餉  
銀一萬二千六百餘兩益以民屯銀三萬四百  
餘兩抵之臣之爲東省計者亦周至矣如曰解  
不及額此在地方撫按爲政而非臣部所能與

也至於舊額遼鎮民運銀一十三萬向以七萬  
充登兵月餉之用矣其六萬餘兩歲支買米以  
供東江之需亦未歸臣部也邇者島將違

制登海有震鄰之危淮揚有腹心之憂

廟議再設登撫意深遠矣撫臣旣設登兵自不容以  
不增先是臣部准兵部之咨已議於袁崇煥裁  
定三千六百餘名之外又增兵二百名歲又增  
餉四萬兩蓋循登撫武之望折衷之

舊制於是登之額餉增至十二萬有奇而所云六

者今又強半爲登用未始爲臣部用也查撫按  
原疏初亦爲登海起見欲將二項十一萬取爲  
招兵之用夫固惟恐與之之廉故不嫌於取之  
之多也今四萬既有成議似不煩更贅一辭矣  
若東省增兵一事則又有可得而言也查該省  
額兵一萬五千餘名旣選其精銳五千入衛矣  
彼中戍守尚存萬人者果盡投石超距  
也自可當一軍之銳師安見爲少今惟舍募兵  
而求練兵不務用多而務用少此真救時之急



著而不可緩者耳既經具題前來相應覆

請恭候

命下臣部行文各該衙門遵奉施行

崇禎三年八月十四日具

題本月十九日奉

聖旨據奏登兵月餉原額七萬新增四萬又云增至  
十二萬有奇計數何不相符兵貴實練餉無虛糜  
兩者原自相成凡增兵事宜還與兵部面商從長  
酌覆欽此

題查海運關內外餉銀實收疏

題爲遵

旨查取海運關寧餉銀實收謹據實報

聞以慰

聖懷并叙文武各官以昭激勸事專理新餉山東清  
吏司案呈案查先該本部題爲關內關外一時  
缺餉饑軍控急懇求速

勅給發仍設法護行以拯危邊事崇禎三年正月初

六日奉

聖旨運餉分給依議速行差官一體叙錄該衙門知道欽此又該本部題爲海運順風開洋等事本年三月十八日奉

聖旨這報關寧本折糧餉開洋抵關知道了還陸續措祭以資飽騰仍取實收數目具奏欽此隨該本部一面移文天津部院并督餉御史查取實收一面陸續措祭接濟通行查明案呈到部該臣等看得關寧一鎮爲

神京之門戶數年以來訓練生聚已幾天塹之險

不謂狡奴乘虛闖入內地絕我運道俾我坐困亦岌岌乎殆矣

皇上聖明獨斷從諸臣議會陸繇海誠非得已第以八九十萬之白鏹而付之洪濤怒波之中與鯨鯢爭上下方惴惴焉嘗試爲懼幸願

皇上洪福齊天海若効靈轉輸無阻甚有米與船俱付東流而銀鞘依然無恙者一時押運諸舟出沒海洋不避艱險督餉諸臣揀船選卒防禦輓輸蓋已竭盡心力矣今海運告竣臣部得藉于

以報成

命文武大小員士其勞蹟誠有不可殫者案查山海  
鎮運兵餉自崇禎三年二月初一日發

內帑銀一萬五千兩差加衛都司黃文秀押運初  
四日天津允發鹽課銀三萬兩加衛都司陳諫  
千總李時發押運二十四日發銀四萬兩加衛  
守備朱大成千總陳國相押運二十八日發銀  
二萬兩加衛都司韓惟忠押運三十日發銀二  
萬兩原任遊擊孫應龍加衛都司趙重光押運

三月十四日發銀六萬兩加銜都司張應遴陳  
應武押運四月十五日發銀七萬兩帶運舊餉  
一萬兩千總巫景璞詹國相押運二十二日發  
銀二萬兩千總陳于王高應發押運二十六日  
發銀四萬兩千總黃中徐萬龍押運五月初十  
日發銀四萬兩千總王一芳押運又永平府同  
知李雲衢帶永平銀一萬兩寧遠鎮海運兵餉  
自崇禎三年二月初一日發

內帑銀一萬五千兩千總蕭登瀛押運初四日天

津祭盥課銀五萬兩加銜守備孫承武押運  
十四日祭銀五萬兩加銜守備郭重詔押運  
十八日祭銀三萬兩候選縣丞胡守訓押運  
十日祭銀三萬兩原任遊擊孫應龍押運三月  
初九日祭銀四萬兩千總韓永昌施應科押運  
十四日祭銀三萬兩加銜都司張應遊陳應武  
押運二十九日祭銀四萬兩把總趙應學押運  
四月十三日祭銀八萬兩千總傅尚謙押運  
十二日祭賞功銀五萬兩千總王文道鄒承

押運二十三日發銀三萬兩把總曲靜押運二十六日發銀六萬兩千總束可久押運以上自崇禎三年二月初一日起至五月初十日止共發過關寧月餉銀共八十八萬兩今俱取有實收前來以上諸弁出沒於蛟宮鼉窟之中轉運於萬死一生之地飽騰兇賴貔虎攸資此押運各弁之勤勞所當紀錄擢用者也惟是如許餉銀付之溟渤旣虞鼠波之險又慮海寇之掠若非督餉部院弁督餉御史以及司道諸臣同心



戮力設法調停奉委各弁冒險護運曷克臻此  
再照前任天津督餉本部右侍郎崔爾進才優  
經

國志切籌邊聞警卽提兵應援轉運則輸將不匱  
足稱濟川之楫見管天津督餉兵部右侍郎兼  
都察院右僉都御史翟鳳翀文堪經

國武足匡時禱風則海若効靈輓餉則朱提胥遠  
信屬駕海之梁督餉御史沈猶龍大器擎天鵬  
才負海督催親歷津門勾稽神遊山海允爲照

乘之珠天津贊司樊維城餉道張志芳管餉  
知王秉衡抱康時之偉畧裕燉疆之灌輸樓櫓  
飛馳貔貅鼓腹以上提調諸臣所當從優陞擢  
示酬者也至於摠理護運則有副摠兵張斌良  
遊擊孫應龍都司張允昌高翻身寄於驚濤駭  
浪令行于三老長年忘情利害之中克濟師旅  
之急以上諸臣所當從優併叙擢用者也若夫  
去冬遼陽初破風鶴爲驚陸運已阻海運不通  
本部從加銜都司黃文秀千總韓永昌江梓寬

爾魁黃中之議卽發餉銀四萬兩差令各兵  
覓騾脚帶領家丁從沿海問道而去抵關無  
此外如通薊陸運當黠虜狂逞之時人人却步  
而能冒險直前遇虜保運者則有原任遊擊李  
景千總張爾仁等均當一體優叙擢用以勵  
効者也旣經該司案呈前來相應題

請恭候

命下兵部酌覆施行等因

崇禎三年八月十五日具

題本月十八日奉

聖旨道海運押餉黃文秀等准與紀錄擢用去冬閒  
道陸運累有實勞的查明併敘該部知道

題覆兵部會議開節大計疏

題爲虜患方殷財匱可虞乞

勅廷臣從長集議早爲設處以勿悞軍興事專理新  
餉邊餉司案呈崇禎三年七月初十日奉本部  
送戶科抄出該兵部尚書梁廷棟題前事內稱  
自遼事加派以來有司急解新餉緩解舊餉以  
致九邊單匱所在告急今戶部又且那舊欠以  
餉遼那新餉以餉薊是九邊之額餉絀而又絀  
而遼東將來又如九邊光景矣邊防爲軍

國重事今大敵臨門而倉庫若掃念之可爲寒心  
目下催徵甚急措發如流轉眼舊欠已完新欠  
不敷那移之法已窮庚癸之呼俱至大司農何  
以處此

皇上銳意中興建萬年之業而臣下苟且目前多不  
過爲一兩年支吾之術非所以稱塞

明時也伏乞

皇上自爲

社稷計

勅下九卿講求長便使三五年間中外稍得充實則

元氣復而神氣自壯等因本年七月初七日奉

聖旨九邊舊餉與新派遼餉原不相借乃外解急新

緩舊該部復那移給發以致舊誦而新亦不繼且

歲計溢額幾至二百萬若不從長計算豈能軍不

呼庚前會議已有欵冊還着該部悉心籌理以濟

軍與不必廷議欽此欽遵抄出到部送司案呈到

部該臣等看得天地生財在官在民止有此數

國家理財議開議節不外一理若當三空四盡之

時官民互詘則生財之數已窮且值百孔千瘡之日開節兩困則理財之道更艱臣自奉

命司計以來手埒口瘡亦幾枯盡心血矣向以闕寧新餉出浮於入爲之實求雜項題奉

欽依頒行省直俾勒限完解計得銀八十餘萬此臣所效補於新餉者又以九邊舊餉入款於出爲之請

旨會裁如冗官冗役及班軍改折南馬協濟等項共二十欸期照數起解約銀七八十萬此臣所效



補於舊餉者以爲守此不變或可支撐目前又  
莫悔禍有期然後徐議經久耳不意奴插交誼  
日迫一日徵發調募日難一日以至於今奴氛  
雖退輸餉伊始東潰西決溢額至二百萬誠有  
不堪言者夫九邊之單匱非盡外解急新緩舊  
之故也脂膏已盡吮吸愈深雖欲不急新緩舊  
不可得者今且緩無可緩急無可急矣餉額之  
訕乏又非盡臣部那移給發之故也庚癸呼頻  
時刻難停雖欲不那移給發不可得者今且移

無可移發無可發矣

皇上試思十數年軍興以來所召募幾何所轉輸幾何鎮戍之外加以援兵月糗之外加以行糧以至陣亡之存恤復城之頒賞修牆之邊費款插之加賚此誰非疆場突加之浮額又誰非

國家有限之金錢者臣非不知目前支吾之計之不可以久也撫時度勢卽欲不爲此目前支吾之計不可得也且朝凜夕惕尚恐此目前支吾之計猶未能也每一念至五內如割幾欲割

上

請終苦黠金術窮今樞臣誼切同舟慨然欲講長便  
之策甚卓見也隨奉有還着該部悉心籌理之  
旨臣等欽遵之下芒負欲死卽同左右諸臣會集新  
舊餉司及十三司司官殫力酌議欲求一當以  
報

上命但計曰長便必其叅之官與民兩不相碍而求  
之開與節畫可長久者今海內虛耗公私交匱  
加派搜括諸例旣已同針頭之削屯塩鼓鑄各

欵亦竟成畫餅之充以是揣摩多日茫無頭緒  
臣思局中之智迷終不如局外之見明而一人  
之思短又何似集衆之謀廣伏乞

皇上特允樞臣之請

勅下九卿科道講求長便但有嘉謨嘉猷可以足  
國安民垂之永永者許令各輸所見以備採擇題  
覆上

請庶孽畫精而積貯裕於以奏安攘之烈不難矣在  
等不勝悚息待

命之至

崇禎三年八月十七日具

題二十三日奉

聖旨邇雖軍興溢額催來逋賦可抵有無贏餘該部  
先行查奏至各鎮主客兵餉出入不符那欠非法  
何妨會議但須講求開節大計不得括糝煩苛徒  
滋論議欽此

覆請清核兵馬錢糧確數疏

題爲遵奉

明旨酌議清覈兵馬錢糧確數以釐弊蠹事新舊二  
餉司奏呈崇禎三年八月十六日奉本部送戶  
科抄出該本部題覆葡遼總督張鳳翼題爲亟  
請軍餉以濟時艱等事本年八月十四日奉

聖旨據奏餉有新舊兵有主客必核其額數多寡日  
月起止以便銷算說得是但該部何故從無清核  
確數具奏又云逐月無欠惟壓欠者必難取償一

時今永餉所請是否積年壓欠燕建山石附餉  
門自當以正月爲始緣何從去年八月找給且須  
重支弊正在此可無一問但諉不知鎮兵必餉到  
始能果腹該部以發解卽爲實收各鎮方求現銀  
照數補解該部反云不得先期預支內外呼應相  
左總繇濇核無法今後須確定規則各鎮餉司俱  
立一簡明清冊具開原額主客兵馬若干應餉若干  
或某日添到某兵馬若干增餉若干減者亦如  
之按月一報不得混入細數以致頭緒棼淆卽如

奏內扣抵借支等項亦只許餉司互行銷筭不得  
攙入簡明冊內如有報數不確及不如期者定行  
侵冒治罪該部堂上官亦宜勵精率屬着實遵以  
道所欠永餉卽如數措發勿再延悞欽此除將所  
欠永鎮餉銀如數找發另疏題

知外相應具覆案呈到部該臣等看得計兵乃可措  
餉按餉卽可知兵是臣部所憑以核多寡而酌  
緩急者也各鎮向惟關寧立有經制餉司每月  
具收放數目報部自軍興始廢今始漸復關門



始報至四月寧遠始報至三月皆有折色而  
本色逮於九邊臣部但知有年例應發之數而  
兵馬與食餉之額不知焉臣部自去年以來  
行文各鎮督催而開報寥寥也今

皇上憐度支之匱乏切責臣部未能清覈兵馬錢糧  
確數誠洞見軍

國之大計臣等愚鈍之罪又復何詞然臣未始不  
清核也臣於崇禎三年三月二十九日題覆  
理馬世龍爲仰承

天語瀝血再陳一疏奉

聖旨據奏薊餉解發無欠且虛伍損額俱未停支如  
何輒稱餉缺此必經管給放或有他情着何朝宗  
用心清查務使軍需實糈將無借口仍行督臣實  
開需餉兵數明白奏來以便該部按給餘依議欽  
此臣卽於四月初七日移咨薊遼督撫并劄薊  
州餉司查取薊鎮兵馬確數去後續於五月十  
五日行催限五月終回

奏七月二十三日行催限七月終回

奏八月初五日又復行催已三次矣前於七月  
五日據薊州餉司蔣範化造冊一本但開支  
流水數并某營分而孰爲新兵孰爲舊兵孰爲  
援兵亦無數目未見清楚再行駁查復於八月  
十三日又分造三冊送部臣令兩司磨算乃係  
抄錄前任道臣賈克忠舊冊新兵舊兵援兵雖  
各有數然先後重復且係四月五月之數而非  
現在之數則未亦爲確也永平新舊兵丁多係  
招補該道臣張春八月初四日造送臣部共

官兵二萬四千八百八十六員名此二冊者臣  
部費幾許唇舌始得此數非易易也臣又於六  
月二十三日題薊州餉司何朝宗爲薊門餉額  
日增臣部措處日難一疏內稱各營領餉日期  
仍照前月領餉日期以掛號冊到先後爲餉司  
領銀先後不得愆期該司於出月五日卽將上  
月支放過各營兵馬本折錢糧分別新舊餉銀  
援兵鹽菜等項造簡明流水清冊送部以便逐  
款磨對如有重支冒破等項卽行查駁本部給

發下月之餉卽以冊報上月之數爲據季終  
遺季報文冊備將逐月支放并還官節  
總筭明白以抵應發之數等因奉

聖旨蘄餉驟增倍宜查核着該督撫鎮道會同  
嚴稽虛冒如有節曠抵充正額無徒以掛號塞責  
仍按月按季清冊報部以憑磨勘如有重支冒破  
等弊該部卽行駁參經管官一體同罪欽此隨於

六月二十九日行文蘄遼督撫蘄州司道巡撫  
御史督催訖已經二月而未報者如故也至於

九邊兵馬錢糧案查崇禎二年五月十二日該直隸巡按葉成章題爲謹陳九邊軍餉之數等事奉

聖旨據奏該鎮本折額餉數逾往時只因年來積欠致乏然朕查客兵一項邇年原無調發及崇禎元年京運比前解發獨多何故動稱缺餉屯糧原額五十餘萬止存一十一萬歷年清墾何事該部科確看來說前有旨但查虛兵不汰實兵着巡按御史確查缺伍倒損肩支的數宜挨營點閱覈實詳

聞乃只據成數奏報虛冒何時得清葉成章還

同張宗衡速遵前旨親行查閱再奏不得支飾取罪

該部院知道欽此該臣備行九邊止據延寧固雲各

奏到而餘鎮未至也謂臣習於怠玩漫無綜稽臣

則何敢惟是軍興孔棘徵調頻繁各督撫非無事之

秋臣雖欲行糾參實有所顧忌而不敢出耳今蒙

天語煌煌責令立定規則兵馬糧餉造簡明冊是必

覈壬客兵馬之確數而後可以論糧餉必得每月

糧餉之確數而後可以論收放恐餉司位卑權

輕其言不足信其數或未確也合無通行各鎮督撫查明各鎮營伍兵馬確數及每月食糧規則責令據實

奏報務於九月通完不完者有罰如此則經制一定而侵冒自消然後按月開報之法始可行耳  
餉司爲錢糧出入之關弊實叢集查京運錢糧近俱解委兌支料無不足之患至於民運錢糧有重無輕不待言也然各營伍支領兵餉多有輕短不如數者則其爲餉司之扣尅明矣又如



院丁道丁標兵等項號爲近水樓臺多有已  
又支先期給領而遠堡有數月不得領者亦有  
各營賄通吏書那移於先養之間乘機而漁利  
者從前庫折預支等弊已經臣部申飭再三不  
知果行滌除否今擬掛號責成各兵備道再三  
查覈有缺伍者卽行扣除不准支放其破例預  
支者卽行駁查毋徇情面然後將應支冊領掛  
號移會餉司卽以冊領投到之先後爲發餉之  
先後不許出於三日之內亦不許一月而支

次庶可免於稽遲預支之弊矣乃若各營餉  
餉司銀兩卽令該管委官解赴附近督撫兵  
衙門抽驗大封如有短少督撫徑將餉司叅  
兵道轉報督撫叅究庶可免於扣剋短少之弊  
矣若夫支放錢糧奉有按月一報之

旨以後每遇月終餉司將收放過錢糧逐一照式開  
列明白自行

奏報仍轉報撫院覆覈會同總督具題

下部磨勘具覆方准開銷但道里有遠近錢糧有多

少其近者多者如關寧薊永宣大密鎮等鎮  
一月一奏其遠者少者如昌易山西延寧甘肅  
通津東江等處俱三月一奏所造兵馬錢糧冊  
務如

欽定之式不得糊塗塞責卽民屯錢糧亦附麗其中  
始爲全局庶可免於重支虛冒之弊矣現年支  
餉按月銷算原屬定例其舊欠壓支惟九邊爲  
然而關寧津通皆以下月支上月之餉原未始  
有欠也自有軍興侵削正額而亦漸有欠矣

裁從前之支而但支現月之糧彼歷過者其誰肯捨若欲餉司仍前通融支給又與按月

奏報之數有礙竊念外解有限現支且難足數一月而並支兩月之餉萬萬不能今欲清徹到底惟有查某鎮某營歷欠若干自某年某月起至某年某月爲一年亦按先後爲給發次第俟至年終以其有餘補放前欠一二月間有還官扣抵亦作此項支用銷筭

奏繳如是而種種弊竇有不清楚者鮮矣伏乞

勅下督撫先報兵馬及本鎮應支糧餉確數務於  
月內

奏報再督同餉司將收放糧餉確數仍分別遠近  
多少按月按季

奏報釐積弊而清錢糧

國計幸甚臣部幸甚

崇禎三年八月十九日具

題本月二十一日奉

聖旨軍餉收發在內部支領在外鎮必立定規制

相清核方可杜絕弊端據奏屢催不報有報不朋  
顯是欺玩以後各鎮兵馬錢糧開列確數報部責  
成該督撫查扣剋禁南支節虛曠覈冊掛號移會  
餉司責成各兵道并將民屯補歷等項俱載簡明  
文冊月季奏聞俱依議行爾部亦須從長計算量  
入制出永絕耗竇以裕軍需欽此

覆遼撫請發額餉馬乾疏

題爲急

請額餉馬乾以濟然眉併設法議妥東江新到之兵  
以資進取事專理新餉山東清吏司案呈崇禎  
三年八月二十日奉本部送蒙

御前發下紅本該遼東巡撫丘禾嘉題前事等因奉  
聖旨這缺餉及馬乾銀兩着戶部查明卽與措發王  
弘化兵餉應否扣抵并會同兵部作速具覆欽此  
欽遵蒙發到部當卽移會兵部查議去後隨准

兵部咨開東江屬登關寧屬遼分地分餉各不  
相借東江王弘化之調而歸遼與關寧盛忠之  
調而歸登一也盛忠兵歸登卽食登餉王弘化  
兵歸遼卽食遼餉亦一也各有缺兵自各有存  
餉以缺兵之存餉餉新補之兵可不煩擬議計  
遼兵缺額者已至萬外而何憂弘化之四百無  
措欲扣東江餉以餉之哉本部以爲遼撫原未  
增兵當不愁增餉也爲此合咨貴部煩照

明旨內事理卽將崇禎二三年缺餉塩菜馬乾銀



行查明措給王弘化兵旣在遼應給遼餉希勿  
以東江餉銀扣抵祈賜從長酌確具奏等因移  
會到部送司案呈到部該臣等看得關寧之師  
日仰給臣部者惟加派是賴年來或支用不足  
或外解中斷追遡崇禎元年八月間臣蒞任初  
缺餉至五月未給臣日夜推償抵補前欠嗣是  
轉運稍稍如期去年秋冬之時猶壓欠一月有  
半大都以下月而支歷過上月之銀要亦未始  
多欠也今日之欠自軍興浩費運道阻塞奪正

額而供援兵始有兩月餘之歷欠矣據該撫  
臣部欠寧遠鎮二年自九月起至年終月餉馬  
乾銀共四十六萬七千五百六十七兩一錢三  
分又班軍鹽菜銀一萬一百五兩一錢三分通  
共欠銀四十七萬七千六百七十二兩二錢六  
分今查該餉司去年冬季積有三個月馬乾并  
還官二項銀據郎中王四聰所報共得銀三萬  
五千四百二十一兩七錢一分五釐四毫已扣  
抵前欠之數所欠止四十四萬二千二百五十五

兩五錢四分四釐六毫矣又據該撫稱正月  
至七月終止共該正餉八十三萬九千一十九  
兩五錢六分六釐實收到鎮者正餉銀共八十  
二萬五千兩及查臣部自二月起至八月初六  
日止前後發過九十四萬五千兩內有七月二  
十四日委官趙萬學解五萬兩八月初二日委  
官張士傑解二萬兩初六日委官傅尚謙解五  
萬兩共一十二萬兩係起解在途之餉該撫入  
告之時猶未到也今八月二十二日遵奉

明旨又復發銀十萬兩附寧前道陳新甲以行則

稱四十三萬有奇之舊欠除前後發過者實欠

正餉二十三萬六千二百七十兩一錢一分六

毫而關外援薊兵馬按月支餉臣部者不與焉

蓋以關兵素稱梟悍與九邊各鎮不同臣部不

敢截作舊欠是以通長打筭先儘去冬而以未

完者留作新欠今該鎮以解到者已按月給發

矣細查去冬之餉該鎮有借之商民者有借之

別項者至今未償是以仍作舊欠耳今時已

仲秋則臣部之缺額亦僅兩月餘該鎮或軫念  
度支屢空通融接濟勉爲支撐則臣部之幸若  
欲項取償於一時臣心願之而力實不能也至  
於空月馬乾一項無馬而索草料此從來營伍  
所不經見者臣部屢經題

請奉有

明旨裁革充餉不惟裒多益寡少濟軍興然眉之急  
抑且汰冗黜浮大節濫觴無名之供此銀久已  
知會免解不謂撫臣又索之臣部也無論買馬

出自問寺各有司存卽臣部按月應發之正餉  
尚自不能如額而猶能舍已耘人者乎查去年  
自正月至九月寧遠各營支過空月馬乾七萬  
九千八百三十兩旣已發散各營臣部不便扣  
抵作餉聞多買馬未至顧獨不可按圖而索驥  
耶况兵部近於驛通節省銀內題留三萬歲爲  
關寧買馬之用蓋亦明知非臣部所應發矣似  
無煩再議也王弘化兵馬雖係東江之旅然地  
有衝緩餉有厚薄勢難比而同之今旣附麗寧

錦自應照兵部議卽於該鎮開餉以作召募補  
伍之數亦無庸扣抵爲也若果東江之餉因減  
兵而有餘則另議裁節可矣旣經遼撫具題及  
兵部移會前來相應覆

請伏乞

勅下移文兵部遼撫一體遵奉施行

崇禎三年八月二十四日具

題本月二十七日奉

聖旨王弘化兵旣經兵部酌議着卽於寧鎮開餉不

必東江扣抵其所缺額餉如數作速措發弗得再  
延空月馬乾奉旨裁革知道了欽此



覆薊撫條議臺防三款疏

題爲薊門值懲前愆後之時微臣抱臨深履薄之  
慮謹陳目前急著仰祈

聖鑒以摠一得以保萬全事專理新餉山東清吏司  
案呈崇禎三年七月十二日奉本部送戶科抄  
出順天巡撫劉可訓題前事等因本年七月初  
九日奉

聖旨這所奏諸款係邊防要務內守衝要核偵探擇  
將領嚴操練立鄉兵等項劉可訓卽着實料理毋

但托條陳餘着該部作速酌議具覆欽此欽遵  
出到部又准兵部咨同前事內開煩將順天  
撫條陳疏內實臺路預糧糗撫流離三款酌議  
具覆等因移咨到部俱送到司相應議覆案呈  
到部該臣等看得兵以衛民民非兵不武然民  
以養兵兵非民不生合兵民而擘畫之善理兵  
者必善理民者也薊門當奴警之後而兵民俱  
告困矣撫臣劉可訓補葺謀深招徠念切條上

一十二款俱經

國之遠謨而籌邊之石畫也除事隸各部者臣不敢議中有事屬臣部者凡三款一臺路宜實查得臺守所以謹偵探也向係南兵子孫世居之以臺爲家瞭遠傳烽虜猝有警倏忽之間一瞬息千里法何善也近因虜氛潰散募補於倉猝未免南北襍處而責以同聲同氣同仇於患難之時難矣合如撫臣議盡去土著之人而更見在南兵以復其舊委屬便計至於路兵原係版籍祖軍其營伍糧糈在

祖制爲然無容增減亦無容更張者也倘以厚餉募之新兵填補路額將使薄食軍糧乎而兵其誰甘將使厚食兵餉乎而餉從安出且管制一壞將來流弊有不可勝窮者其如

祖宗設法之初意何以當率繇不忘毋輕議紛更也  
伏候

聖裁一糧糗宜預查得如雲土馬所藉以資飽騰而供戰守糧糗之力所關甚重矣如不預儲于平時將何接濟于日後臣部朝夕圖維而多方措

据者俱是物也故運務責之水陸餉司姬文郁  
召買委之邊工餉司包鳳起推官屈宜揚邊工  
緊急添設餉司以速其成津運不足見

請截漕以備其需此皆臣部之預爲料理而不敢少  
懈者也若夫酌所用之多寡量道里之遠近分  
撥貯蓄就便關支該督撫自有調度非臣部所  
能遙定也伏候

聖裁一流離宜撫查得薊鎮當戎馬蹂躪之餘處鋒  
鏑逃亡之後驚魂靡定瘡痍未起則設法賑濟

以爲安戢地者誠不容緩查州縣積穀原以賑  
賑貸之需合如撫臣議令各該有司搜括倉  
徧審窮民仍選委廉官唱名賑濟以廣

皇仁而解倒懸信救時之急着所當如議舉行者也  
伏候

聖裁以上三款預綢繆之桑土沛赤地之甘霖而兵  
民俱利是臣部之所心契而樂行者也奉有着  
實料理毋但托條陳之

旨聖明之責重該撫其爲兵民計更親且切矣顧

撫力行何如耳既經具題并移咨前來相應  
請恭候

命下臣部移文各該衙門遵奉施行

崇禎三年八月二十四日具

題本月二十七日奉

聖旨據奏新兵餉厚額軍餉薄不便填補因是第  
門單虛亟須召募若新舊不相用這已募者作何  
安頓宜條酌彼此規例不得但言餉無所出無議  
紛更糧糗宜預謂可持久不定多寡不計遲速但

以教漕俾需以實運責餉可以調度聽督撫  
務可不關內部至州縣倉穀用恤患民未能博  
還查前發漕糧果否實實徧給通著詳計確議具  
奏欽此



覆遼撫按報寧錦被虜燒糧疏

題爲塘報事專理新餉山東清吏司案呈崇禎三年八月二十五日奉本部送准遼東巡撫丘禾嘉塘報爲逆虜燒糧殺搶官兵事本月二十日據署寧前道事餉司郎中王四聰呈報本月十七日據署錦右糧廳事經歷查維憲稟稱切實職于本月十三日四更時聞烽卽差快手陳其斗等往海催督各委發運糧料船戶放船開洋去後不意逆奴驟圍本城至十五日黎明據左

屯倉收糧大使劉光源自海口逃回稟稱官  
潮尚未長船閣淺岸而賊衆謀錦州打糧大路  
徑抵海口措手不及被燒重載船十餘號并在  
岸允軍發車糧料盡行燒燬拏去大使劉本恒  
領糧委官佟守先殺死跟役五名并擄去錦州  
打糧降夷百餘名其餘收糧大使丁應薦葉世  
萃焦元震未知下落等情職見遍野哨馬因慮  
及城內糧料火器恐奸宄竊發嚴督官生那  
晝夜巡守未敢離信一面差役潛行滅火救

外其燒燬的數俟查明另文呈報等情據此該  
本道看得船糧被燒數目未確委官稱擄不無  
乘機總俟另查明確再行呈報等因到院據此  
除批行該道嚴查所燒船隻及糧料實數毋致  
奸棍乘機混匿外理合塘報等因到部送司查  
得事干兵糧相應具題案呈到部該臣等看得  
醜虜乘我無備燬我糧料掠我官兵狡謀叵測  
大可寒心諒督撫道將自能相機勦禦無俟臣  
言之贅矣但據稱被燒重船十餘號并在岸倉

庚子奏議  
軍發車糧料盡行燒燬其中多寡數目尚未  
確恐委官乘機捏報難保必無則稽覈不可不  
清也糧料既有焚燬則兵食虧缺而設法買補  
又不可不預也合無

勅下閣部遼撫責令該道備查被燒糧船若干隻計  
米豆各若干石岸上兌單被燒糧料米豆各若  
干石中間有無虛捏情弊逐一查確

奏報以便設法補運至於繇山海以及寧錦一切  
卸糧之所俱係胡虜窺伺之處宜令管牧各官

一遇糧艘運到卽便搬入城堡如有留難稽遲  
卽懲以罪收糧之時宜選智勇將佐一員統率  
精銳加意守護以備不虞庶額派之糧料不至  
賫爲盜資而閭閻千辛萬苦之膏血獲免委諸  
水火將飽騰有賴而捷伐可張矣旣經塘報前  
來相應題

請恭候

命下臣部移文薊遼總督及遼東巡撫查奏并遵奉  
申飭施行

崇禎三年八月二十六日具

題九月初一日奉

聖旨這糧料被燬確查數目設法嚴防已有旨了  
收城堡責在該管各官補運事宜爾部還早計長  
便具奏欽此

回奏預支團練營共餉疏

題爲遵

旨回奏事專理新餉山東清吏司案呈崇禎三年八月二十一日奉本部送戶科抄出該本部題爲  
仰遵

明旨按月預奏事等因本年八月十九日奉

聖旨這八月分新兵應發餉額知道了着如期解給  
各取實收奏繳內薊鎮駐防團練兵餉本月尚在  
預奏如何九月已稱發訖還明白奏來欽此欽遵

抄出到部送司除將八月分應發餉額俟解  
完日取實收

奏繳外案查團練總兵王威兵丁并甘肅總兵楊  
鼎謨兵丁先於五月終調赴薊州該總兵官王  
威奏爲恭報奉

旨督發援兵事奉

聖旨王威挑率兵丁次第赴薊知道了行月塩菜等  
項分別關支并撥給馬兵俱着該部酌議具奏欽  
此隨據本官揭帖議請預支廩菜銀兩并准兵



部咨文預發六七兩月共銀二萬五千五百一十八兩八錢九分已該本部於六月初九日覆王威恭報督發援兵疏內題明訖嗣後各兵援爲常例該鎮自薊差遊擊陳之彥入京復請預支以便出塞本部恐各兵藉口生端又於七月二十三等日預發八月分月餉鹽菜銀一萬二千八百二十四兩二錢九分一釐三毫九月分月餉鹽菜銀一萬二千八百三十八兩三錢三分一釐三毫本部又恐徂以爲常於八月初二

日題爲行月例不兼支權宜理難久假等事  
月初五日奉

聖旨這所奏喜峯馬蘭防守南兵旣係主客不准兼  
支行糧并各軍月餉俱着按月早給不許遲延亦  
不得借支預索着該督撫通行諭知欽此通行遵

照在案昨預奏疏內正因先經具題故於團練  
兵餉八月九月項下明註發訖字樣相應查明

回

奏案呈到部該臣等看得八月預奏據關寧各鎮

而言也九月已發據團練一營而言也蓋因團  
練總兵王威所統兵丁調赴薊州本官求餉甚  
迫各兵候餉方行故預發六七兩月以速勇往  
蓋不如是則兵不肯赴薊也繼而該鎮差官復  
討預支聞各兵欲赴塞外勦臣部其難其慎  
預發八九兩月以壯敵愾蓋不如是則無以示  
鼓舞也此八九月已發之根繇也業該臣部先  
于行月例不蕪支疏內備述具題所以預奏項  
下從寔註明不敢欺隱於其間也今奉明白奏

來之

旨謹據寔具本回

奏臣無任悚息待

命之至

崇禎三年八月二十六日具

題九月初二日奉

聖旨據奏前疏錯悞緣繇及今簡明收除數目知道了但該部持籌在經制得宜樽節有法豈僅隨人隨出便足了事畢竟各鎮兵馬作何稽查餉司

樂作何釐剔舊餉壓欠作何調劑還遵屢旨從長  
商確條議規則來看欽此

覆定通昌二鎮餉額廩費疏

題爲營制已定糧料難緩懇

勅該部預措以無悞給發事專理新餉山東清吏司  
案呈崇禎三年八月十九日奉本部送戶科抄  
出督治通鎮軍務兵部左侍郎范景文題前事  
等因本年八月十五日奉

聖旨通兵月餉着按期給發其預儲芻豆酌定廩費  
戶部卽與議覆欽此欽遵抄出到部送司案查先  
奉本部送准督治通鎮軍務兵部左侍郎范景

文咨查照開寧薊遼則例酌議公費柴薪弁各  
官廩餼各役工食等銀開單咨送到部送司爲  
據開薊則例未免過奢且各員役數目亦多煩  
冗已經說堂移咨天津部院備查各員役廩餼  
工食并公費則例以便折衷酌定去後今准津  
部查覆到部送司相應酌覆案呈到部該臣等  
看得通州拱護

都門屹然鼎峙

特遣重臣統勁卒以壯聲援營伍既定計口授食敢

不竭糜以供今蒙

皇上責成各餉司立定兵馬規則造爲簡明冊揭則  
諛鎮之營制亦當預定者也騰飽之資惟儲蓄  
芻糧是賴况通州原設空運廳官設法召買草  
豆以供往來援兵今時事孔棘宜如督臣之議  
蚤計而預備之估計價值及此秋熟多方召買  
豆以萬石計草以三十萬束計以廣積貯以備  
軍興殊不容緩者也至於督治樞臣一切供應  
與各員役廩餼日用必需亦所難緩鎮臣會查



關薊則例查稱前項廩費關寧者而薊遼遜之  
當此時詘難羸本部不願從其奢者亦惟於薊  
遼稍益之等因斟酌裒益議定標下各官廩例  
單開現任副將月廩心紅柴薪等銀三十二兩  
叅將二十六兩遊擊二十二兩都司一十六兩  
凡加銜者遞減一等現任守備月支十兩各營  
中軍月支八兩千總六兩把總四兩百總二兩  
四錢管隊一兩八錢凡聽用副叅遊都守等官  
月支減見任之半賞功官提塘官照各營中軍

例巡捕官旗牌官雜委官官生官俱照密雲例  
本部供應柴薪照勘遼例每季供應銀五百六  
十八兩一錢五分柴薪銀四十二兩吏書各役  
工食衣資每季二百六十七兩一錢三分又咨  
開皂快驕夫厨茶等役每月工食共五十八兩  
四錢此督臣范景文酌定咨請之數也復查津  
部則例每年公費心紅共銀一千二十五兩五  
錢標下中軍遊擊旗鼓都司等官廩餼每年共  
銀一千四百八十三兩二錢書吏提塘門皂等

役工食每年共銀九百六十二兩九錢又撫院  
歸并書吏門皂等役工食每年共銀五百六十  
四兩此津部之則例也夫以督臣酌定各官廩  
費較之關寧則例已減三分之一舍厚從儉足  
見督臣節省苦心惟是公費柴薪與書吏各役  
工食較之津例似覺稍奢况各鎮俱派於所屬  
而通鎮新設有兵馬之寄無地方之責悉皆取  
給額餉之中多省一分則軍

國多受一分之益除各官廩餼凡實授加銜見任

俱如樞臣酌定則例聽其照數支給其聽用副  
叅遊都守等官月支應減見任三分之一如旗  
牌聽用雜委官生等項期於足供使令而止寧  
約無濫而無以有限之公帑充冗閑武弁之蠶  
食也至於督臣公費并書吏各役工食程量於  
津薊而折衷之供應柴薪每季共以五百兩爲  
率書吏工食衣資并門皂等役工食每季共以  
三百五十兩爲率總計名數之多寡通融酌給  
庶有財有用稱事餼廩督臣無掣肘之虞員役

無裨腹之苦而額餉亦不至於濫觸矣再照昌  
鎮督臣候恂供應廩費并各員役工食等項事  
同一體相應照例做行以示畫一以便遵守者  
也既經具題前來相應覆

請恭候

命下臣部移文通昌二鎮督臣遵奉施行

崇禎三年八月二十六日具

題九月初一日奉

聖旨兩鎮拱衛京都士馬芻糧自當早計以資飽騰

若公費聽用名色俱宜裁減以古名臣身先士卒  
下同甘苦自處今既經酌定姑准支給還各汰冗  
節浮濫蠹補虛以供繕器買馬之用欽此